

The background of the entire image is a light blue sky filled with numerous hot air balloons of various colors and patterns, including stripes, checks, and solid colors. The balloons are scattered across the frame, some appearing larger and more detailed than others, creating a whimsical and celebratory atmosphere.

SINGA SANYET BEREXCOX BIRU

BROUGHT TO YOU BY:
WWW.CREMALAYSIA.COM

Chapter 1

Singa cip sekolah



Singa b kemjim ka b ent kerakmek ha b cip ma sekolah.
harik deh harik pertama Singa b bersekolah. Ameh
abek singa la un beli e beg sekolah power rangers.
Singa b pan bersukak ka b cip ma e sekolah ru e beg
pai ruk e ameh! ku sekolah, Mai dic lei un neng ma
singa. singa b serngik ha jalek ka un neng ma elei. ke ha
b bok beg power rangers an pai? pasnen, ameh singa la
b ha jug ju e kelas kenon neh ka b en em ru b en cot e
kenon



Ka b besan ma singa hod b gei setut ma e kelas pai nen
ruk b yap hod singa de belajar ma sekolah ruk senukak.
E cikgu, Miss Tan b sambut helnul singa ruk e lenyim.
singa un ox e meja ka b gei enlang Tara, sanyet kerdur
an b log cimin mat. singa b ent nye Tara ka Tara b ker-
akdik taleh. Tara b aduk ma Miss Tan an b ngek gigei
ru singa ha ulah singa jak sengoh ka enij gayib.

Singa mong e berexcox biru ma e ulah ha e tenande yesnos. ulah senukak singa la sesehdih ru kecewa ha Tara de lew e ulah enij ka ja sengoh. Miss Tan b yap ma Tara, berexcox biru ma ulah singa et tenande yesnos ka pebuleh hi cil ma ulah senoi an enij ru jak-sengoh. B besan ma Tara hod b gei enlang singa ka b berkawak ru singa.

Chapter 2

Singa mong kawak pai

Ulah sehsedih singa la b bersukak ru ceria nex ha Tara la b semain maaf ma singa. Singa b bersalam ru Tara ka b ent maaf Tara. Elei b aduk ma Tara kem an la un semain ma e ameh ru e abek hajalek e ulah mong ber-excox biru. Ka singa la b lej ru tenenlen ruk senenmain senoi. Tara b aduk ma singa an elei tok b ha kakrek ulah singa hak elei kan pek pernah b boleh sanyet keral an berexcox biru ma e ulah.

Ali an b gei enlang singa b ent nye singa. Singa la b bersukak ha la kem e kawak. Miss Tan b hod dic sanyet hod un beramik samak un dic lei. elei b aduk hod un beraduk meh hod un kelnal ayat sesamak lei un. Miss Tan b aduk dic sanyet hod un hormat sesamak lei un gak kirak keral kerdur, bangsa ru agama lei un. elei b besan ma Mai sanyet pebuleh hik lew ru hik cil serngik Mai kilek

loceng sekolah b berenrok ka la mase rihat. Ameh singa b ent ox bekal kue ru b aduk ma singa hod b menhar ru e kawak. elei juga b ox duit hod b beli ce-
kelat ru kenamom men singa b hod. singa ru e menen-
har b ox e kue ma diclei e kawak. nu b cakcak ru e
kawak ma kantin, nu urang sanyet keral an entoi e isik
e meh Judas b cip enyon. Judas b semain ma singa
mong e duit. Singa b aduk ma Judas an elei mong e duit
an e ameh de ox





Judas b semain duit singa. Judas b lew singa b hinak ka
bi yap singa deh enij e ulah. Singa tok ga panei jalek b
ha ui. b sahngoh. Judas b pan lew ruk b hinak singa.
Tara an b gei enlang singa la jemjam ha b sahngoh
jugak

Chapter 3

Singa Unbuli

Loceng rihat b berenrok, tringgg...tring...


Singa ru e kawak la un ha moc ma kelas. Hare Judas b banyak singa ka b cap e gelpal ka b pan semain duit ju singa. ru bebor singa b en dot ma Judas hod b et go. singa b og panei ma judas ha elei la ha aduk senalah judas ma guru kelas lei. singa la kerbih b ha cip, judas b cap baju singa. singa la b ha yong. Judas b ent lew singa ka terus b cereng kek kilek ruk enij. elei b lew singa. mase singa de bekus, judas b tulat singa ka b ent semain ru duit ju singa. ha b kemjim b sengoh, singa b og duit an e ameh de og. judas b og panei ma singa mong b aduk ma bokbok an jalek b ui ma singa harideh. singa b kerhe raban ha b sahngoh



Mase b et ju judas, singa b jug ma e deng kelas ka
Tara b cip ju e enlang lei et. Tara b sureh hod singa de
aduk ma miss tan an nai buli elei et. Miss Tan b beleh
Tara b jemjam ka ulah singa raha b sahngoh, ka miss
tan de derleh enyon ma or ubai nen. Ka b semain ku or
ubai nen jalek de beh. singa b aduk ma Miss Tan an b
sengoh judas de buli elei. ka miss tan b per'ej singa ru
tara.

Chapter 4

Singa La B Tareh Jijih



Miss Tan b og mensan ma mai sanyet hod un aduk men bok de buli lei un et. Elei b sureh hod un hai ka un semain tenulung men pembuli et de perpohod ka b ent lew lei un et. b aduk ma mai sanyet hod un haii mentul raha kenarau singa men un ha semain tenulung men mong mai sanyet an kilek de perpohod ruk un ha percelaka.elei b aduk ma singa hod b berani ka mong b sengoh ma pembuli

Elei b sureh singa hod b lap e ulah. Nu mase singa b ha
cip ma deng tew b bahleh ru judas. Judas b hinak
singa. Elei b og panei ma singa mong b aduk ma bokbok
an la kod duit singa.



Singa b pelet mensan Miss Tan hod hi semai tenulung
men mong an un buli. **Elei b si hai raha ke-
narau singa b semain tenulung.**



Cikgu-cikgu an ju enyon un jerjar ha un ha tulung singa.
Judas un bod ka un ent og ma En. Pillay, guru disiplin
sekulah

Chapter 5

Singa b bersukak

Singa b pan bersukak ru bor e sengik. Elei la tok ga sengoh ma bokbok pembuli. Elei b kemjim men b berani, entok bok de ha buli nex. elei hod b pelet jalek an Miss Tan de besan raha semain tenulung men mong un buli ka hod hi hai raha kenarau singa hod hi perserngoh pembuli. Singa la b ui e kawak de bor sengik ru elei. Dic e nenramik an nukelas nen la un berbor ru elei et. Tara b pateh singa ha b pan berani ka la or jadi kawak bor. Miss Tan la bor e sengik ma singa ka b lantik singa hod b jadi ketua kelas. la entok bok an mai ha lew elei et nex. singa an sengon un cereng sanyet berexcox biru ka nudeh la un cereng singa sanyet keral an gagah ruk berani.



Terima Kasih Kerana Sudi Membaca

Apa yang perlu kamu buat sekiranya kamu menjadi mangsa buli di sekolah atau siber?

1. Laporkan kepada guru/kaunselor sekolah kamu.
2. Ceritakan kepada ibu-bapa/ahli keluarga
3. Minta bantuan melalui:
 - A) Sistem Aduan SISPAA (03-88849325)
 - B) Telefon/WhatsApp (014-800 9325)
 - C) Talian Kasih (15999)
 - D) Email (adubuli@moe.gov.my)



-Tamat-